

**NEWLY APPOINTED GOVERNOR**

མིང་སྐྱོད་ གསར་བ་ ལྷ་ཞབས་ Om Prakash Mathur ད་རིང་ སྐང་ཏྲུག་ ཕྱོན་པོ་ གནང་ཡོད། Burtuk Helipad ན་ ཁོང་ལོ་ བྱང་ཆེན་ གཙོ་པོ་ Vijay Bashan Pathak, Police གཙོ་འཛིན་ ལྷ་ཞབས་ A.K Singh, བྱང་ཆེན་ གཙོ་པོ་ འདོམ་ R. Telong, Protocal བྱང་ཆེན་ ལྷམ་སྐུ་ K.D Rechung, སྐང་ཏྲུག་ ཀི་ རྗོང་དཔོན་ ལྷ་ཞབས་ Tushan Nikhare དང་ རྒྱུ་པོ་ police གཙོ་འཛིན་ ལྷ་ཞབས་ བཟུན་འཛིན་ རྫོ་ལུན་ ལེ་བ་ཅ་ ཀི་ ཁོང་ལོ་ ཕྱོན་བ་ ལེ་ཤ་གསོ་ ལུལ་པོ་ ཨིན།

Helipad ན་ ལྷ་ཞབས་ Mathur ལོ་ འབྲས་ལྗོངས་ Armed Police ཀི་ guard of honour ལུལ་པོ་ ཨིན། ཁོང་ མཉམ་ཅི་ Rajasthan ཀི་ རྣམ་ཚལ་ རང་བཞིན་ མཐའ་སྐྱོར་ དང་ ལུ་སྐྱུག་ རྒྱུ་པོ་ རྫོན་པོ་ Sanjay Sharma མིང་བྱུས་ འབྲས་མི་ Dharmnarayan Joshi དང་ Chhatisgarh ཀི་ ཉེན་ཀོ་ རྫོན་པོ་ Mayesh Gogda ཡང་ ཕྱོན་པོ་ ཨིན།

**GOVERNOR WARRANT OF APPOINTMENT**

Raj Bhawan སྐབས་པའི་ རྒྱབ་ལས་ ལྷ་ཞབས་ Muthur ལོ་ བྱང་ཆེན་ གཙོ་པོ་ ཀི་ མིང་སྐྱོད་ ཁྲིའི་ warrant ཤོག་ཀོ་ ལུལ་པོ་ ཨིན། དུས་སྐབས་ འདི་ ན་ police, director དང་ རྒྱུ་པོ་ གཞུང་འབྲེལ་ འགོ་བརྗོད་ ལུ་ ཀི་ ཨོ་ཁར་ ཕྱོན་ ལུ་པོ་ ཨིན། མིང་སྐྱོད་ གསར་པོ་ ཀི་ ཐོག་ཏུ་ Raj Bhawan ན་ ཁྲི་གི་ དམ་བཅའ་ ལོན་པོ་ གནང་ཤང་ ཨིན།

**BUDGET SESSION**

མངའ་ཕྱེ་ གྲུང་ཚོཾ་ ཁང་ ཀི་ budget ལྷན་ཚོཾ་ འོང་མཐུན་ ལྷ་བ་ ཚེས་ ༥ ལས་ འགོ་བཙུག་ ཤང་ ཨིན། ཉེས་ ༥ རིང་ཀོ་ ཚོཾ་བཟུ་ ཀི་ སྐབས་ ན་ ལོ་ ༢༠༢༤-༢༥ འོན་ལས་ རྩི་ཁྲུབས་ budget ལུལ་ཤང་ མཉམ་ཅི་ གཞན་ bill དང་ དདུལ་ཅི་ ལུག་ལས་ ལུ་ ཐོན་ཤང་ ཨིན།

**LOK SABHA MP**

འབྲས་ལྗོངས་ ཀི་ ལོག་ས་བ་ འབྲས་མི་ Dr. Indra Hang Subba ཀི་ ད་རིང་ ལྷེ་ལི་ ན་ དབུས་གཞུང་ མི་རྟེ་ རྒྱབ་གལ་ འབྲེལ་བའི་ མངའ་ཕྱེ་ རྫོན་པོ་ durgadas vikey མཉམ་ཅི་ མཇལ་པོ་ ཨིན། མཇལ་བའི་ སྐབས་ ཁོང་ལུ་གི་ མངའ་ཕྱེ་ གྲུང་ཚོགས་ ཁང་ ན་ Limboo Tamang མི་རྟེ་ ཀི་ འོན་ལས་ ཁྲི་ རྩང་སྐྱོབ་ ཀི་ ད་གྲི་ དང་ ༡༢ ཐམ་བ་ མི་རྟེ་ ལོ་ S.T མི་རྟེ་ མིང་ཐོ་ ན་ བཙུག་ཤང་ གེམ་ ལུང་ ཡོད་པོ་ དགོས་གལ་ ལུ་ རྫོང་ལས་ གྲུང་ཏིན་ གནང་པོ་ ཨིན། ལྷ་ཞབས་ Subba ཀི་ རྫོན་པོ་ མཉམ་ཅི་ འདི་ ལུ་བ་ ལུ་ རྩུབ་ཕྱིན་ ཤང་ ན་ རྫོན་པོ་ རང་གི་ འགན་ལེན་ དང་ རྟེ་རམ་ ཀི་ འོན་ལས་ ལུ་བ་ འབྲེན་པོ་ ཨིན། ཁོང་ ལུ་ ཀི་ འབྲས་ལྗོངས་ མི་རྟེ་ ལུ་འི་ ཕྱི་ཀུ་ དང་ མན་འདུ་པོ་ རྟེ་གཞུང་ རྒྱལ་རབ་ རྫོང་ལས་ ཡང་ བཀའ་མོལ་ གནང་ འདུག། མཇལ་བའི་ སྐབས་ ན་ ལོག་ས་བ་ འབྲས་མི་ ཀི་ ད་རིང་ དབུས་གཞུང་ འབྲིང་རིམ་ ཤེས་ཡོན་ board CBSE ཡི་ གཙོ་འཛིན་ Rahul Singh མཉམ་ཅི་ མཇལ་པོ་ ཨིན། དུས་སྐབས་ འདི་ ན་ ཁོང་ལུ་ ཀི་ འབྲས་ལྗོངས་ ཀི་ རྫོབ་གྲ་ ལུ་འི་ འོན་ལས་ CBSE རྫོབ་ཆེན་ ན་ འབྲིང་རིམ་ ཐོ་བའི་ གས་ ན་ Rai, Gurung, Sherpa དང་ ལྷ་དམག་ རྒྱུང་ལུ་ ལོ་ ཁ་འབམ་ ཤང་ མགོ་བརྗོད་ རྫོང་ལས་ གྲུང་ཏིན་ གནང་པོ་ ཨིན། ཐོབ་པའི་ ལོན་འབྲེལ་ འོན་བཞིན་ ལྷ་ཞབས་ སིང་ ཀི་ འདི་ འབྲེལ་བའི་ ཐབས་ལམ་ འོན་ལས་ ལུང་ལུང་ སང་ལྷེ་ ག་གལ་ཤང་ བསམ་སྣོ་ བཞག་ཀོ་ ཨིན།

**MEETING PC & PNDDT**

PCPNDDT ACT གི་ བྱས་སྤྱད་ འབྲེལ་བ་ ན་ བསྐབ་བྱ་ ཚྲོ་བཟུ་ སྐང་ཏྲོག་ གི་ Tashiling Secrateriat ན་ ད་རིང་ བཞུར་པོ་ ཡིན། འདི་ ན་ འཕྲོད་བཞེན་ ཞབས་རྩེ་ དང་ བོ་ཚེ་ གི་མཁམ་ འཕྲོད་བཞེན་ ལྷ་ལྷོགས་ གཙུ་འཛིན་ Dr. Anita Bhutia གི་ PCPNDDT ACT གི་ བྱད་སྤྱད་ སྐྱོར་ལས་ གནང་གཏང་ ལོན་ དང་ འདིའི་ ད་གྲིང་ ལྷ་ སྐྱོར་ལས་ གསུང་ཤད་ གནང་བོ་ ཡིན། རྒྱལ་ལས་ རང་གི་ གསུང་ཤད་ ན་ འཕྲོད་བཞེན་ དང་ ཟ་ཚོང་ ལོག་ཏུ་ ལས་ལག་ གི་ དྲུང་ཚེན་ སྐུ་ཞབས་ M. Bharani Kumar གི་ སྤྱི་བྱུངས་ ཞབས་རྩེ་ ལས་ཁུང་ ལྷ་ ན་ ལྷ་ཚོམ་ ལྷ་མོ་ ལུའི་ སྐྱོན་བཅད་ ཐབས་ཅད་ MMA ལྷུ་ལ་ཚེན་ ལྷ་ ཡོད་མིད་ སྐྱོར་ལས་ ལྷུར་ལྷུར་ གནང་དགོས་ ཤད་ རྒྱལ་ཚེན་ སྐྱོར་ལས་ གསུང་བོ་ ཡིན།

ལོང་ གི་ ཐམས་ཅད་ ལོ་ སྤྱང་སྐྱོབ་ ཚེན་པོ་ ལྷ་ཚོམ་ ལུའི་ ལོག་ཏུ་ རྒྱབས་ཤད་ ཏན་ཏན་ བྱས་ཤད་ རྒྱག་ལས་ འདི་ སྐྱོན་པོ་ འབྲུས་མི་ ལྷ་ གི་ རྒྱལ་ཚེན་ བྱས་དགོས་ཤད་ སྐྱོར་ལས་ གསུང་བོ་ ཡིན། འཕྲོད་བཞེན་ དྲུང་ཚེན་ གི་ འགོ་བརྗོད་ ལྷ་ མཉམ་རྩེ་ སྐང་ཏྲོག་ དང་ མཐའ་སྐྱོར་ ས་གནས་ གི་ Ultrasound clinic ལུའི་ ལྷ་བ་ 3-3 བར་ན་ གཟིང་སྐྱོར་ བྱས་ཤད་ བསྐབ་བྱ་ གནང་བོ་ ཡིན།

སྐུ་ཞབས་ Bharani Kumar གི་ ཤེས་རིུ་ ལས་ཁུང་ ལྷ་ ན་ གཞན་པོ་ ལྷ་མོ་ ལུའི་ འཕྲོད་བཞེན་ འབྲེལ་ལྷི་ གཏམ་ལྷ་ སྐྱོར་ལས་ ཤེས་ལོན་ ཐད་དགོས་ ཤད་ རྒྱལ་ཚེན་ སྐྱོར་ལས་ གསུང་བོ་ ཡིན། ཚྲོ་བཟུ་ ན་ གཞན་ ཏང་ལྷི་ འཕྲོད་བཞེན་ ཞབས་རྩེ་ གི་ principle director Dr. D.C Sharma དང་ འཕྲོད་བཞེན་ འགོ་པོ་ ལྷ་ དང་ གཞན་ འབྲུས་མི་ ལྷ་ གི་ ལྷུར་འགན་ ལེན་པོ་ སྤང་།།

**INDEPENDENCE DAY PROGRAMME**

གསོ་རིང་ རྗོང་ཁ་ ན་ ལོ་ འདི་ ན་ རང་དབང་ རང་བཟུན་ ཉིམ་ དགའ་ལྷ་ བྱས་ སྤྱང་རྩེད་ བྱས་ཤད་ ཐག་བཅད་ ལོན་ ཡོད། ཐང་ 12 པོ་ རང་དབང་ ཉིམ་ ལས་རིམ་ Jourtaar Stadium ན་ ད་རིང་ ལས་ འགོ་བཟུག་ གོ་ ཡིན། འགོ་བྱིད་ ལས་རིམ་ ན་ རང་ཚལ་ དང་ བྱིམ་འབྲེལ་ ལས་ལག་ གི་ སྐྱོན་པོ་ སྐུ་ཞབས་ Bhimhang Subba སྐུན་དོན་ གཙུ་པོ་ ཐོན་ ལྷ་པོ་ ཡིན། རྗོང་ཁའ་ འཛིན་སྐྱོང་ དང་ སེང་གེ་ཐང་ sporting club གི་ གཅིག་མཐུན་ ན་ ད་རིང་ ལས་ འགོ་བཟུག་ མཁམ་ open བདོན་ལྷ་ football tournament དོན་བཞིན་ དེ་རིང་ གི་ match ན་ money bhanjang Darjeeling གི་ aakraman football club འབྲས་སྤྲོངས་ ལོ་ goal གཅིག་ གི་ ཐམ་གོད་ ལྷི་ pre quarter final ན་ སྐོབ་ ཡོད། Tournament འདི་ ན་ མངའ་ལྷི་ མཉམ་རྩེ་ དོ་རྗེ་སྤིང་ ག་ལེམ་སྤུང་ དང་ གྱུར་ཤོང་ གི་ བྱས་ 15 ཐམ་བ་ མིང་ཅན་ ཚྲོ་བོ་ ལྷ་ གི་ ལྷུང་ལེན་ ཡིན།།

**FREEDOM RUN**

སྐྱོན་ཉོན་ མེད་པོ་ རྒྱ་གར་ འཆར་གཞི་ དོན་བཞིན་ རྗོང་ཁའ་ འཛིན་སྐྱོང་ ལས་ཁུང་ རྣམ་རྩེ་ གི་ freedoms run ན་ ལྷུང་ལོན་ཤད་ དོན་ལས་ ཐམས་ཅད་ ལོ་ བདོན་ལྷ་ རྒྱལ་ཡོད། རྒྱག་ཤད་ ལས་རིམ་ འདི་ འོང་མཁམ་ ལྷ་བ་ ཚོས་ 3 གི་ ཉིན་ Kisan Market, Namchi ན་ རྫོ་པའ་ ལྷ་ཚོང་ 1 ལས་ འབྲུམ་ཚུག་ ཤད་ སྤང་། Open བྱས་གི་ དོན་ལས་ kisan market ལས་ གི་ལོ་མི་ཏར་ 10 རིང་གོ་ རྒྱག་ཤད་ འབྲུམ་ཚུག་ ཉི་ helipad སང་སྤྱེ་ སེབས་ཉི་ ལོག་ཉི་ རང་ kisan market ན་ སྐོབས་ དགོས་ཤད་ ཡིན། Char Dham སོང་ཉི་ དང་ ལོག་ཉི་ kisan market བྱས་ གི་ལོ་མི་ཏར་ 5 རྒྱག་ དགོས་ཤད་ ཡིན། བྱས་ 2 ན་ དང་པོ་ སྐོ་ནེ་ 3 པོ་ གེལ་མཁམ་ ལུག་གོ་ ལོ་ medal དང་ དུལ་ ལྷུང་ཤད་ ཡིན་ ལབ་ན་ 10 ལུག་གོ་ medal ལྷུང་ཤད་ ཡིན། འཕྲོད་བཞེན་ དང་ ལེདམ་ མི་ཚོ་ གྱུལ་ཤད་ ལོང་ཤོད་ དང་ སྐོན་ཉོན་ མེད་པོ་ རྣམ་རྩེ་ དང་ འབྲས་སྤྲོངས་ གི་ དོན་ཚེན་ ལས་ ལས་རིམ་ འདི་ བཞག་གོ་ ཡིན།།